

# **YIVONYISÜEKHI ELANELI AZHA 2005 SHIJI NTSI EKHIV TSÜKONA YANCHÜ KYON JIANG NZANCHIPHEN**

Yivonyisüekhi Elaneli Azha shijo elümoto etho eliv motsünga, ntiotsole shi yakchia sorikari tona hojilo elhi etsoe tsüphoeden to jiang ji zechoyiala. Kvüthüng ni na yivonyisü yana na, ni na sorikari ji evonrhüa osi etsungchetatokala. Nzyu 2005 Rongorongi choro tsüngon 12 lona bankae shi etho shiji ni khelo ni theyi lia. Hoji tsükona ngünga tivana nchüng na ben kai shi tsütsata.

**2. Tümüka:** Shi tümka jo nzontsü yansaron elhi jiang ji evonrhüa osi etsüngcheta yantüing yan-ri osi tsonyümon jiang ji tanglan chi tsükona.

**3. Yinjüm: shijo Indian metakhüng shikvu azha osi shiang esüa tso.**

- i) shina midan kilonser osi meta kipvulen to jiang lia savü.
- ii) shiji sorikari na tsutsavü osi yanchu kyong na selangodungvü.
- iii) roza yansasen jiang ha echumporo nze.
- iv) Sorikari elhi etsoe jiang ji lumbum nchekae khito nchumcheta van thokvu osi yanchu kyong jiang na zeyavü.

**Yivonyisuekhi elaneli Azha shiji jammu tona Kashmir to meta yaka jo India metatopvulo tsutsavü.**

**4. Yivonyisüekhi Elaneli Azha shi küpona nina nzontsukyong yansasae thüingina yivonyisu khicheta. Nzontsukyong yansasae to ephyo ji yichak jo:**

- Longjung ,state tona nkonjan lo soying Indian yansaekhung kupona state tona longjung tolo soyingi elio jiang tsov. Hoji yichak jo meta kipvulen, phisayansae,shikvü azha tsütsae elani yansaro tona soying ejoma to jiang topvulo shiang ji tsütsacheta.
- Okho soying sorikarina nzanchi pia soyingi elio jiang ha shilo jui. Shiang esua kija okho soying kvüloshi sorikarina ekyo-erong pia soyingi licho sana jiang loha yivonyisu ekhiv etho pi lia.

**5 .Nina ntio yivonyisü khicheta ?**

Yivonyisü to ephyo jijo sekacho ,kako erancho ,email ,file lo erankacho, yithen chiyithokcho, Yidan osi Yizung picho, logbooks, contracts, yivon chiyithocho, Kakoro ,elani models, tona etsyuchi picho to jiang. Elani ozenokyak ethan electronics shiang esüa fax,microfilm, microfiche, computer to shiang theta ha yivonyisü khicheta.

**6. (a) Yivonyisü ekhi elaneli to ephyo jilo ni elan shiang jua:**

- i) Nina chekayo kako, kako erancho ,contracts kako to jiang yani khicheta.
- ii) Sorikari elhi tsopheni kako erani elio jiang tona sekacho elio jiang ji yani zecheta.
- iii) Olan woni elio jiang, oki tsoe elio jiang ji nina otsük na jani etümelana tsocho alo nlan na tsocho sana zecheta.
- iv) Lenthi kako,tona kako ejüpi chiyithokcho to jiang ji yani zecheta.
- v) Olan nsüngrüo tsütsailan, simenchon, elani oju nmen tsütsatao to jiang tsolia yani zekhoka.

## 6 (b). Yivonyisü jiang ji haphoe chiyithokvü tsükona shiang esüa lojo khancho:

- i) Shi yakchia India metalo ekhungechon, meta khungtsuta , meta zeyahoya elhi, ozen –okyakori ethan yancheyiden, nkümshon lanka , elani metapoe thüngi shintakota to shiang lo khetsüa tsokna yivonyisü ekhivü ji nlanchi.
- ii) Shi yakchia ninyang zerak chiyia tssona nlanchi.
- iii) Yitsso thungoe nyimshi-nyimraka mekana nkanzia ha ntssoche.
- iv) Kyong tsuka kija ekum ndangshon lo khetsüa tsona nlanchi.
- v) Shyutüing shyuruathüing khangshi ntssongshi pia tsona nlanchi.
- vi) Nzontsü lüm erüing lo na mekana shishokhophi, khichoknchümüri theta shishoa evamo jiang khetsüo ha nlanchi.
- vii) Nzontsü lüm erüing lo na mekana Kyonglo shentakota mmhom lio jiang khetsüo ha nlanchi.
- viii) Nzontsü lüm erüing lona mekana yivonyisü chiyilantoki ekhio jiang ha nlanchi.
- ix) Cabinet soying na ndoktae thyutathüing methak yilan eramo kako jiang yani ezev ha khani lia .
- x) Parliament tona state legislature tolo yikrachi monthüka yamo jiang ha nlanchi.
- xi) Nzontsükyong Yivonyisüekhi Tsüphoe (PIO) na lüm erüing nliiv kija yivonyisü mekana mbhoyi to jianglo nzontsü kyongna thama shyutongshyuritao jiang ha nlanchi.

Shi yakchia parliament tona state legislature tona kvuthüing halia ni nnyuthechi .Omhawoe phyoa jeyithako jiang lo tsolia nina jonjia tsona kani lilia tara lanchi khito yivonyisu ni khithokvü .Tsomon-yumoncho yanchecho tona kyong vanlan yilan lo nrao tvü elhi tsocho yanchecho yaka jo yivonyisuekhi elaneli azha shiji azha methak chiro (schedule)2 lo erani elio ji ephanina chephyim tona ekhyimphi soying to jiang jo azha shi benphia yivonyisu nkhithok .Nzontsükyong yansasa jiang na nzontsükyong yivonyisüekhi tsüphoe (Public Information Officer) tona Nzontsükyong Yivonyisüekhi tsüphoe jokyim (Assistant Public Information Officer ) ethüngi vanthokvü na lia . Nina yivonyisü jiang ji nzontsükyong yansasa jiang thüngi na Nzontsükyong yivonyisüekhi Tsüphoe (Public Information Officer) tona Nzontsükyong Yivonyisüekhi Tsüphoe Jokyim (Assistant Public Information Officer) yakchia yivon khicheta.

## 7. Yuta chumchaki elio shiang ephan yivonyisu khia:

- Tsungon 30 :** Yivonyisü ekhiyiv jonji kako thechio ji nzontsükyong yivonyisüekhi Tsüphoe (Public Information Officer) jina oman erani elio ji ephan khiyisi yivon khithokvü, mekana nkichoyiv lia sikhoka.
- Tsungon 35:** Jonji kako ji nzontsükyong Yivonyisüekhi Tsüphoe jokyim (Assistant Public Information Officer) thungi hanjam na lia.
- Shanlan 48:** Jonji kako ji ekum osi kija elan tsükona thechi yuta.
- Tsungon 40:** Okho ethüm yakchia yivonyisü ekhio jiang tsükona yuta.
- Tsungon 45:** Kyong eküm vanlan yilan khetsücho ndana yivonyisü khia tsona. Shiang yivon ekhiv tsükona jo Yivonyisüekhi Lansoe (Information Commission) thüngina lanchi kako khisanati khichevü.

## 8. Oman Chumchak:

Jonji kako thechiman	Yivonyisü ekhiman	Kvütoli thevü sana
Opyak.10.00	<ul style="list-style-type: none"> <li>* A4/A3 KAKO ETSU = Wopyakalo Opyak.2.00</li> <li>* Kako Tsuphov jiangjo = Tathi kako man ji</li> <li>* Ejupkacho kako = Tathi Kako man ji</li> <li>* Kako /Ejupkacho kako =Opyak.2.00 (Wopyakalo)</li> <li>* Floppy/Diskette= Disk motsüngalo Opyak.50.00</li> <li>* Shendi kako = Tathi hoji manji.</li> <li>* Sekae elio jiang zeman = Shanlana jo kiaman osi hoji pomoe jo shanlan motsungalo opyak.5.00</li> </ul>	<ul style="list-style-type: none"> <li>* Rangtsüngi na khiyiv</li> <li>* Demand Draft</li> <li>* Bankers' cheque</li> </ul>

**Ntsitayi:** Oyim nphanjan evamo yanchü kyong jiang jo oman omhavoie pia elio ji nkhiyiala. Yuta pi elio shi yakcho sülo yivonyisu jiang pia tsona oman nkhiyi.

## 9. Jonjilanka.

### (a). Jonji ovüngo:

- Nina ovünghüing ni elan jiang ji Appellate Thosae ovungo ji thungi Nzontsükyong yansaron yakchia jonji kako thechicheta.
- Nzontsükyong Yivonyisüekhi Tsuphoe (PIO) tona Nzontsü kyong yivonyisüekhi tsüphoe jokyim (APIO) tona ni jonji kako ji nkichoyia tsona.
- Nzontsükyong Yivonyisüekhi Tsuphoe (PIO) jina methako ji ni nmathata mekana lumnüka tsona.
- Oman jiang ji kyongkhünga ni khiyia tsona.
- Yuta epio jilo yivonyisü jiang ni npia tsona
- Yivonyisü ni pio ji ni ejüngjüng osi worhyucho jüa tsona.
- Yivonyisü ni pio ji ni lüm npüka tsona.
- Format methaki elio ji ephan yivonyisü ni npia tsona. Tsungon 30 yuta züingchaki elio ji yakcho sülo mekana methak yilan ji methaksanati nina Nzontsükyong Yivonyisüekhi Tsüphoe (PIO) tona Nzontsükyong yivonyisüekhi tsüphoe jokyim (APIO) to thüing jonji kako thechicheta.

## **Ni jonji kako jilo shiang erankae thechiv na lia .**

- i) Omying tona kvülo vana sana.
- ii) Omying tona nzontsükyong yivonyisüekhi tsüphoe (PIO) ji ocho sana.
- iii) Ntio yizüing lo epyankae jonji kako ji thechia sana elani tsüngon tona nzontsükyong yivonyisüekhi tsuphoe (PIO) ji to .
- iv) Jonji kako thechia evamo ji ntsa ji yintsenina erankata.
- v) Jonji tona nzanchi to ekhiv tsükona.
- vi) Ntio lo epyankae jonji tona nzanchi to yana sanaji.
- vii) Ntio azha osi shikvü lo erani licho sana ji.
- viii) Appellant ntsijanthokali eram na lia.
- ix) Yivonyisü thanpo theta methakvü jonji yilan.

### **Jonjiyilan ji ephaolo kakoro ethev lio jiang:**

- Yizüing ji otsotso ka to ehüingpvüi jüa jonji kako ji thechiv.
- Jonjiyilan jiang appellant na zesanati hanthokvü.
- Jonjiyilan jilo kako jüo jiang hüngrina eram.

### **Ni jonji kako jiang ji thama yutalo Nagaland State Information Commission thüangi thechichata:**

- i). Nina oküpoelio shiang ntsocheta tsona:
  - a. Nzontsükyong Yivonyisüekhi Tsüphoe ( Public Information Officer) mekana Nzontsükyong Yivonyisüekhi Tsüphoe Jokyim ( Assistant Public Information Officer ) lia to nthüingchehana tssona
  - b. Nzontsükyong Yivonyisüekhi Tsüphoe ( Public Information Officer) mekana Nzontsükyong Yivonyisüekhi Tsüphoe Jokyim ( Assistant Information Officer ) lia tona jonji kako jiang ni nkhichoyia tsona.
  - c. Nzontsükyong Yivonyisüekhi Tsüphoe ( Public Information Officer) na ni jonji kako jiang Appellate Authority thüangi ni nhandhokia tssona.
- ii) Nina yivonyisü ekhiv tsoa evamo ji ni nlanchia osi ni khirania tssona.
- iii) Yuta pi elio jilo ni jonji jiang ni njanlana tsona.
- iv) Oman jiang kyongyaka ni khiyia tsona.
- v) Yivonyisü ni pio ji ejüingjüing mekana npenria tssona.
- vi) Elani azha küpona ntio yani ekhiv licho sana jiang.

Nzontsükyong yansaronlo yivonyisüekhi elani azha shiji nzontsü kyong lüm erüing ephan mekana ntssojan osi ntümlamo elhi tsoa ntsia tssona nina erantsüingina erani Commission okying okpoe erani elio shilo hanthoka.

**Nagaland State Information Commission**  
**Old Secretariat Complex**  
**Post Box-148**  
**Kohima, Nagaland 797001**  
**Tel: (0370 ) 2291595(o), Fax: 2291798,**  
**Email:cic-nagaland@yahoo.co.in**  
**Website:www.nlsic.gov.in**

**9(b).Jojiyan enioto:** Appellate Authority ovüngo jina methako jianglo ni lümpük jua tssona, mekana tsüngon 30 to 45 yutalo ni jonjiyan ji janlan ntia nhünga tssona, nina jonji kako information commission thüngi tsüngon 90 yutalo thechicheta.

## **10. Echa**

Kvüthüg Nzontsükyong yivonyisüekhi tsüphoe (Public Information Officer) osi tsüphoe den na oküpoe pi elio shiang ntssoa sana Nagaland State Information Commission na engalo echa Rangpyak.250.khiyiv osi shiji kyongchona othüng 25,000. nandang khiyiv:

1. Jonji kako jiang ntia epyankaphen nlina nkchoyio jiang.
2. Yivonyisü ekhiv jonjio jiang ejithechia jiang.
3. Yuta züngchaki elio ji yaka ha yivonyisü npio jiang
4. Etamona yivonyisü jiang nlamu mekana npenrivü pio jiang
5. Yivonyisü khiphen roe esio jiang
6. Yivonyisü ekhivülo khetsüo jiang

## **11.Jonji kako eramü lo etsyüchi ejoma.**

1. Nzontsükyong yansasae ji cheka osi ntio yivonyisü khiv sana ji
2. Yivonyisüekhi elaneli ji tsütsata yivonyisü jiang khia mekana nina ovüngthüng jonji kako thechio jiang ji yani zedena. Yivonyisüekhi elaneli shiji yuta züngchako ji ephan tsov na lia.
3. Yivonyisü jiang thama kiaman nhüng, yivonyisü ekhiv tsükona oman methaki elio jiang pichev, ntio ethev licho sana hojiang yani khia hojito ntsoa tsona nina sülamiti oman khosha elo jivü mpito tsov.
4. Jonji kako jiang Etsiyina lia, hindi nalia niyinalia to kako lo erani Nzontsükyong Yivonyisüekhi Tsüphoe (Public Information Officer) thüngi thechia.
5. Nina ntio yivonyisü khiv sana mekana ntio ntsi khito ni kühüngcho sana hojiang merüka erani thechia osi yani khia.Nina jonji yitong jiang nzoktsüi enga tsona janlan jiang ha nzoktsüi ni piv. Meruka erani pio jilo mmhomo.Nina motsüngtsüng na merüka eranrhyüi pia.
6. Sekae elio jiang ntio yutalo sana hojiang merüka erana.
7. Nina ntio yivonyisü ni kühünga vancho sana hoji merüka erana.
8. Yivonyisü jiang kvütoli ni hanthokvü sana hojiang erana.
9. Ni thüngi yivon jiang kvütoli ni piv sana hoji erankata. Nzontsükyong Yivonyisüekhi Tsüphoe (Public Information Officer) na oman kvüta tssov sana elani yivonyisü jiang shi yakchia ni pithokvü tssokona.
10. Ni ephyo elan jiang phyoa yivonyisü tikhia ntiotsole azha ji na ombobo tssov.
11. Ni jonji kako ji ephaolo jonji kako thechio ji man Rangpyak 10. Demand Draft, Banker's Cheque elani rangtsui nalia the hantoka.
12. Niji tsütsayantsae oyam nphanjan tssoa tssona ehüngpvüi kako chekaphen, ration card elani thanpo hoji esüa tvü kako khüpkae thechia hojito tssoa tssona jonji kako thechiman ji kiaman tssov.

## 12. Ethelan eli shiang nchümcheta:

- i) Nzontsükyong Yivonyisüekhi Tsüphoe (Public Information Officer) tona Nzontsükyong Yivonyisüekhi Tsüphoe Jokyim ( Assistant Public Information Officer) jiang na ni jonji kako ji ni nkhijoyiv nsi.
- ii) Ni jonji kako ji ni worhyüa thanpoe hanjana tsona Nzontsükyong Yivonyisüekhi Tsüphoe (Public Information Officer) na ni kako ji nchok mongo yutalo nzontsü yansasae ocho piv sana hoji thüngi hanthokvü.osi ni yenjam.
- iii) Jonji kako jiang ji kvüto eram sana hoji nranthia tssona Nzontsükyong Yivonyisüekhi Tsüphoe (Public Information Officer) nzo elhi etssoe jiang na ni nzanchia mekana ekyoerong ni pia yivonyisü jiang ni khithokvü.
- iv) Jonji kako tona jonji kako thechiman to jiang ji hüngthaka mekana janthaka to kako Nzontsükyong Yivonyisüekhi Tsüphoe (Public Information Officer) thüngi na kako khia.
- v) Yivonyisü ekhio ji man ji kvüta tssov sana hojiang ji Nzontsükyong Yivonyisüekhyi Tsüphoe (Public Information Officer) thüngina engae khia,nina oman ji npi thüng na ndung jo yivonyisü jia ni npi, oman ji kvüto lyüv sana elani kvüthüng thev sana yivon khitao yuta jijo yuta züngchako jilo nkhanhya osi jantasanta yuta (Intervening period) to tsala.
- vi) Jonjiyilan ezo jiang man jo nkhiyi.

13. Shi Mhadong: Omha mmhicho jina kvüthüngha tongphi hanshi nyi tolia shiang tsakae elhi kümthoki elhi tso ji yakchia tongphi hanshi yiv.

Yivonyisü ekhi elan-eli azha - Limha echüngren etssoo jiang mmhonka tssokona.

Ni elan ji yani ekhiv tsükona phanthia osi enhüngana benkae tssoa.

“Okho roa vamo ji jo nthatso jiang elhilup cho mek tokhatolia kyong mmhom jiang nthazakmozak cholona”

“Khüvthüg yanchükyon na nntsanrük,nthanri to jiang nkirana na, tona jiang ji lümtssonia la.”

“Tssomonyümon jüa yansasao ji yakchia yanchü kyon jiangna kongtsüngrüpak eküm nhüng elani rüpakö ji yakchia kvüthüng halia e nchu.” -Shiv Khera.

Kako shijo Capacity building nnüng küpona chiyithokcho:

RTI Cell. Administrative Training Institute  
Kimho ,Kohima  
Nagaland 797003  
Tel:(0370)2280068(0)

Text and Design by: Er. Worhonthung Ezung, ATI.